

四庫全書

史部

欽定四庫全書

史部

政和五禮新儀卷一百一十八至一百一十九

詳校官編修臣曹錫齡

編修臣程嘉謨覆勘

總校官庶吉士臣何思鈞

校對官主簿臣汪日贊

謄錄監生臣姜今熙

欽定四庫全書

政和五禮新儀卷九十八

吉禮

皇帝祫享太廟儀二

車駕自景靈宮詣太廟

前享一日皇帝於景靈宮朝獻畢既還大次禮部郎中奏解嚴所司轉仗衛鹵簿文武助祭官先詣太廟祠所導駕官以下就次各服其服乘黃令進玉輅於昌福門

內南向設千牛將軍一員位於輅前北向門下侍郎一員位於左輔之前贊者二人位又於其前少頃知客省事以下知內侍省事以下帶御器械官祇應通侍大夫以下武功大夫以下六尚局應奉官於齋殿前闕班立定東上閣門御史臺太常寺分引管軍臣僚及左輔門下侍郎太僕卿乘黃令詣御幄幕殿門外立班北向東上乘黃令位其後次引導駕官以下在其後分東西相向立以候奉迎前導次引行宮使御營巡檢等又在其後禮直

官通事舍人引禮部侍郎奏請中嚴

凡左輔門下侍郎禮部侍郎皆禮直

官通事舍人引

少頃又奏外辦皇帝服通天冠絳紗袍乘輿以

出稱警蹕如常儀行門禁衛諸班親從迎駕奏聖躬萬福次知客省事以下知內侍省事以下帶御器械官祇應通侍大夫以下武功大夫以下六尚局應奉官闕班迎駕奏聖躬萬福皇帝乘輿降自兩階稱警蹕如常儀管軍臣僚奏聖躬萬福次左輔以下次導駕官次行宮使御營巡檢等逐班奏聖躬萬福

該宣名者即宣名

太僕卿

詣玉輅所攝衣而陞正立執轡導駕官前導皇帝至昌

福門內玉輅所千牛將軍前跪執轡左輔進當御前俛

伏跪奏左輔具官臣某言請皇帝降輿升輅奏訖俛伏

興退復位

凡左輔奏請准此

乘黃令稍前東向進玉輅皇帝降

輿升輅太僕立授綏導駕官分左右步導門下侍郎進

當門前俛伏奏門下侍郎具官臣某請車駕進發奏訖

俛伏興退復位

凡門下侍郎奏請准此

車駕動稱警蹕左輔先詣

昌福門以俟門下侍郎及贊者夾侍以出千牛將軍夾

輅而趨車駕將及昌福門至侍臣上馬所門下侍郎奏  
請車駕少駐勅侍臣上馬左輔前承旨退稱曰制可門  
下侍郎退傳制稱侍臣上馬贊者承傳勅侍臣上馬諸  
侍衛之官各督其屬左右翊駕在黃麾內符寶郎奉八  
寶前導殿中監後部從導駕官夾侍於前贊者在左輔  
門下侍郎之前侍臣上馬畢門下侍郎奏請車駕進發  
車駕動稱警蹕不鳴鼓吹法駕鹵簿前導詣太廟車駕  
將近太廟東上閤門御史臺分引文武助祭官宗室客

使禮直官贊者引行事執事俱詣廟西門外立班再拜

奉迎訖退

內已起居者止  
奏聖躬萬福

車駕及門少駐文武侍臣皆

下馬導駕官步導入廟西門車駕動千牛將軍夾輅而

趨近廟南門廻輅南向千牛將軍立於輅左左輔奏請

皇帝降輅步入廟稍東左輔奏請皇帝乘輿尚輦奉御

進與皇帝乘輿以入齋殿侍衛如常儀導駕官步導至

殿門皇帝降輿歸殿後閣簾降通事舍人承旨勅羣臣

各還次學士院以祝冊授通政司進御書訖付尚書禮



部

省牲器

省牲之日未後二刻宮闈令帥其屬掃除廟之内外司

尊彝帥府史及執事者以祭器入設於位

凡祭器皆藉以席遵豆又

加巾

大府卿入陳幣於筐

告潔畢  
權徹

未後三刻禮直官贊

者分引大禮使以下詣東門外省牲位立定光祿卿丞

與執事者牽牲就位禮直官贊揖贊者引大司樂入行

樂架

凡亞終獻行事皆太常博士引大禮使執事官及中祗滌濯官授爵酒官進爵酒官行事禮直官引

餘官皆贊者引

次引眡滌濯官入升自西階凡行事執事官升降皆自西階眡滌濯次引申眡滌濯官執事者皆舉冪曰潔俱復位禮直官稍前曰告潔畢請省牲次引省牲官稍前省牲訖退復位次引光祿卿出班廵牲一匝西向躬曰克曰備次引光祿丞出班廵牲一匝西向躬曰請就省饌位揖訖引大禮使以下各就位立定禮直官贊揖訖所司省牲具畢禮直官贊省饌畢揖訖俱還齋所光祿卿丞及執事者

以次牽牲詣厨授太官令次引省鑊官詣厨省鼎鑊視  
滌溉協律郎展視樂器乃還齋所晡後一刻太官令帥  
宰人以鸞刀割牲祝史各取毛血實於槃又取腍腎實  
於登俱至饌所遂烹牲宮闈令帥其屬掃除廟之內  
外

別廟神主過太廟

前享一日所司陳儀仗於別廟門之外

中道清道二人分左右執黑漆

杖服武弁緋衫草帶次慄弩一箭執全執人並服平巾  
幘緋衫勒帛次扇二分左右服緋畫衫次曲蓋一次方

織一服黃畫衫次導蓋一服黃衫並抹額勒帛次部轄  
員察二人分左右服黑平巾幘儀刀紫文袍勒帛次排  
列執掌四人分左右重行服紫羅寬衫次團扇十四為  
七重次方扇四次曲蓋四重行次方織二次花蓋二以上  
並分左右服武升冠緋衫白袴錦騰蛇次排列執掌二  
分左右服緋衣又於團扇方扇內設行障一在前次行  
障二次坐障二並分左右坐次障一在後腰輿一在行  
障坐障內已上服同執花蓋部轄節級一名在排列執  
掌內服同執花蓋又加金銅腰帶次左右街司衙官十  
二人分左右為六重外仗分左右廂青衣四人為二重  
執竿並槩服黑平巾幘青衫袴勒帛次車幘捧四重行  
服赤平巾幘緋衫袴勒帛次鸞頭竿六信幡六為六重  
皆竿一在前幘一次之服同執扇次戟二十為十重服  
同執曲蓋次刀盾二十各盾左刀右為十重服皂衫帽  
勒帛次稍十為五重服青衫抹額勒帛次弓箭十四每  
弓一箭二箭數全為七重服銀褐衫抹額勒帛次儀刀

十為五重服平巾幘銀褐衫勒帛享日丑前五刻所司  
次儀犀斧四為二重服同執曲蓋

陳方扇團扇行障坐障於別廟南神門外設腰輿殿階

之下南向少頃禮直官贊者分引內常侍以下於殿庭

北向西上重行立

別廟內常侍行事禮直官引餘官皆贊者引

贊者曰再拜

內常侍以下皆再拜本廟宮闈令升殿開室捧惠恭皇

后神主至室門次引內常侍北向俛伏跪稍前內常侍

奏臣某言恭請惠恭皇后神主祔享於太廟降殿乘輿

奏訖俛伏興

凡內常侍奏請准此

又宮闈令捧接神主內常侍前

引置於興內常侍以下分左右前導詣太廟南神門外  
幄次東向權奉安儀仗至太廟門外止方扇團扇行障  
坐障至太廟南神門外止內常侍以下導引詣殿上神  
幄如別儀

### 晨裸

享日丑前五刻

行事用丑時七刻

諸享官及助祭之官各服其

服宮闈令開室帥其屬掃除太府卿入陳幣光祿卿入  
實邊豆簋簋良醢令入實尊彝樂正帥工人二舞以次

入與執尊罍篚梩者各就位次執事官各入就位次通  
事舍人分引文武助祭官及宗室客使贊者引薦羊俎  
官以下各入就位禮直官贊者分引大禮使以下行事  
執事者詣廟東門外揖位立定禮直官贊揖次引監察  
御史次引大禮使以下入次就位次引監察御史按視  
殿之上下糾察不如儀者退復位尚輦奉御進輿於齋  
殿皇帝服通天冠絳紗袍乘輿以出近侍及扈從之官  
導從至大次門外皇帝降輿入次簾降禮儀使樞密院

官太常卿東上閣門官太常博士禮直官分立於大次外左右次引禮部侍郎詣前奏請中嚴少頃又奏外辦符寶郎奉寶陳於宮架之北禮儀使當次前俛伏跪奏

禮儀使具官臣某言請皇帝行事奏訖俛伏興還侍立

禮儀使奏禮畢准此

簾捲皇帝服袞冕以出侍衛如常儀禮儀使

以下前導至東神門外殿中監跪進大圭殿中少監副

之凡殿中監進圭受圭皆少監副之

禮儀使奏請執大圭前導皇帝入

自正門

侍衛不應入者止於門外

協律郎跪俛伏舉麾興

凡行禮執事者取物



奠物皆跪  
悅伏興

工鼓祝宮架乾安之樂作

皇帝升降行止至  
皆奏乾安之樂

阼階下偃麾戛歆樂止

凡樂作皆協律郎跪悅伏舉麾  
興工鼓祝而後作偃麾戛歆而

後

升自阼階登歌樂作

左右侍衛之官  
量人數從升

至版位西向立

樂止禮儀使以下分左右侍立

凡行事皆禮儀使樞密  
院官太常卿東上閣門

太常博士前導至  
位即分立分左右

祀祭官於殿上贊奉神主次引薦香

燈官入室措笏於室內奉皇主設於座

奉神主詣神幄  
內于几後啟匱

設於座以白  
羅巾覆之

執笏退復執事位次引宮闈令奉皇主如

上儀

以青羅  
巾覆之

退復執事位於殿上贊奉神主內常侍以

下於太廟南門外神幄奉別廟神主腰輿入南神西偏門至殿下南向內常侍以下北向立內常侍稍前奏惠恭皇后神主祫享於太廟奏訖退詣惠恭皇后神主前奏請降輿升殿奏訖宮闈令捧神主升自泰階至殿上本廟宮闈令捧接祔於宣仁聖烈皇后神主之左設於座奉神主設於座並如上儀內常侍以下退於東神門內道南以俟祠祭官於殿上贊奉神主訖禮儀使前奏有司謹具請行事又奏請再拜皇帝再拜贊者曰再拜在位官皆再

拜次引奉瓚官升詣僖祖神位前西向立

詣西向神位則北向立詣

東則南向立

奉瓚樂官詣爵洗西東向立禮儀使前導皇帝

詣階盥洗位登歌樂作降自阼階樂止宮架樂作至洗位北向立樂止內侍酌水以進禮儀使奏請搢大圭盥手內侍跪取巾於篚興以進皇帝悅手內侍受巾跪奠於篚禮儀使奏請執大圭前導皇帝詣爵洗位宮架樂作至洗位北向立樂作奉瓚樂官跪取瓚於篚興以進禮儀使奏請搢大圭受瓚內侍酌水以進禮儀使奏請

洗瓚內侍跪取巾於篚興以進皇帝拭瓚內侍受巾跪

奠於篚奉瓚樂官捧樂升自東階禮儀使奏請執大圭

前導皇帝升殿大禮使從

皇帝升降大禮使皆從

宮架樂作至阼

階下樂止升自阼階登歌樂作禮儀使前導皇帝詣禧

祖位樂止奉瓚樂官詣禧祖位尊彝所西向立

若詣東西向神

位即皆向北立

以瓚涖鬯執彝者舉冪宗室酌爵鬯訖先詣次

位尊彝所東向立

若詣東向神位尊彝所即西向立

禮儀使前導皇帝

詣禧祖神位前北向立

若詣西向神位即東向立東向神位即西向立

禮儀使

奏請搢大圭跪奉瓚槃官西向立以瓚授奉瓚官西向  
跪以進禮儀使奏請執圭瓚皇帝執瓚以鬯裸地奠之  
奉瓚官受瓚以授奉瓚槃官奉瓚槃官以槃受瓚訖俱  
詣次位以候禮儀使奏請執大圭俛伏興前導皇帝少  
退北向立禮儀使奏請再拜皇帝再拜禮儀使前導詣  
順祖位次詣翼祖位次詣宣祖位次詣太祖位次詣太  
宗位次詣真宗位次詣仁宗位次詣英宗位次詣惠恭  
皇帝位次詣神宗位次詣哲宗位裸鬯並如上儀

別廟  
神位

止裸於座  
前不拜

奉瓚官奉瓚祭官酌爵鬯宗室俱降復位禮  
儀使前導皇帝還版位登歌樂作至位西向立樂止次  
太官令升詣僖祖位酌尊所北向立次太祝詣盥洗位  
搯笏盥手悅手執笏詣爵洗位搯笏洗傘以授執事者  
執笏詣僖祖位酌尊所西向立執事者以傘授太祝太  
祝執傘太官令酌犧尊之泛齊訖先詣次位酌尊所東  
向立太祝以傘授執事者執笏詣僖祖神位前執事者  
以傘授太祝太祝搯笏執傘跪奠於鉶南執笏興次詣

每位奠牢並如上儀退復位宮架作興安之樂文德之舞九成止

朝踐

享日太官令帥進饌者詣每室饌幔內設腥體於俎

牛以

兩解兩肩兩脅並脊實於一俎兩解在兩端兩肩兩脅次之脊在中次升羊豕如牛各實於一俎次升牛羊豕牲首各一實於一俎次升牛腥腸胃肺實於一俎離肺一在上端割肺三次之腸三胃三又次之次升羊腥腸胃肺實於一俎其載如牛次升豕腥膚九實於一俎橫載次升魚十有五實於一俎縮載俱設於饌

幔內東西相向皇帝晨裸既畢執事宗室奉毛血漿及

肝腎豆立於南門外奉爐炭蕭蒿稷黍者各立於其後  
以次由正門入陞殿其執事宗室各迎取於階上入奠  
於神位前奉毛血肝腎者各退立於奠所次執事宗室  
奉爐炭設於神位之左其蕭蒿稷黍各置於爐炭以次  
出太官令取肝以鸞刀割之洗於爵鬯貫之以骨燎於  
爐炭薦香燈官別廟神主以太祝以肝腎詔於神座又以墮祭  
三祭於茅苴降詣盥洗位盥手帨手升復執事位次執  
事宗室升牲首入設於豆右牛在左羊在中豕在右俱退復位次



薦腥於筵前薦俎宗室以饌所奉俎以入太官令引入  
自正門搢笏奉俎升殿執事宗室各迎取於階上薦俎  
官詣神位前跪奠先薦牛次薦羊次薦豕及魚各執笏  
俛伏興有司設牛俎在形鹽前羊次之豕俎在酏食前  
魚次之腸胃膚俎在牲首前皆牛在左羊在中豕在右每位奉奠並  
如上儀俱退復位

政和五禮新儀卷九十八

欽定四庫全書

政和五禮新儀卷九十九

吉禮

皇帝祫享太廟儀三

饋食

享日有司陳鼎四十有八於神厨各在鑊右太官令帥

進饌者詣厨以七升牛於鑊實於一鼎

肩臂膈肱脰正脊一直脊一橫

脊一長脊一短脊一代脊一二骨以並離肺一割肺三腸三胃三

次升羊如牛實於一鼎

次升豕於鑊實於一鼎

羊熟十一體其次如牛又豕膚九

次升魚十有

五實於一鼎

每室牛羊豕魚各一鼎

皆設扃冪執事宗室對舉入

設於每室饌幔內東西相向以北為上光祿實籩豆簋

簋於每室饌幔內

籩實以粉粢豆實以粝食簋實以梁簋實以稷

次引視腥熟

節官詣饌所視腥熟之節初皇帝晨裸畢還位樂止宮

闈令入詣僖祖室內設神位每位鋪筵設几昭位在北

南向穆位在南北向祠祭官於殿上贊奉神主次薦香

燈官宮闈令詣神內搢笏奉帝后神主於僖宗室內設

於座訖

其奉神主設於座並上儀

退復位執事位祠祭官於殿上贊

奉神主訖禮儀使前導皇帝還小次登歌樂作降自阼  
階樂止宮架樂作將至小次禮儀使奏請釋大圭殿中  
監跪受大圭皇帝入小次簾降樂止有司各帥其屬徙  
堂上饌於室中訖禮儀使前導皇帝入版位簾卷出次  
宮架樂作殿中監跪進大圭禮儀使奏請執大圭前導  
皇帝升殿樂止登歌樂作至版位西向立樂止次引薦  
籩豆簠簋官詣饌所執籩豆簠簋以次薦俎官詣饌所

奏俎入太官令引入正門宮架豐安之樂作設於西階下

北面北上奉牲者在南執事宗室抽扃委於鼎北除冪

初鼎序入執事宗室執匕及俎以從至西階下設於鼎

右匕加於鼎太官令以七升牛載於一俎

肩臂臑肱脰正脊一直脊

一橫脊一長脊一短脊一代脊一載於一俎肩臂臑肱脰在上端肱脰在下端脊脊在中以離肺一剗肺三腸三胃

三載於一俎其次如腥

次升羊如牛各載於一俎次升豕各載於

一俎並熟十二體其次如牛豕膚九體於一俎其次如腥

次升魚載於一俎

魚十有五

其次如腥

鼎先退宗室進徹毛血槃以次出次薦籩豆簋簋

官搯笏執籩豆簋簋薦俎官搯笏奉俎以升執事宗室  
各迎取於階上薦籩豆簋簋官奉籩豆簋簋於神位前  
北向跪奠啟蓋以下執笏俛伏興有司設籩豆於粢餌  
前豆於醢醢前簋於稻前簋於黍前次薦俎官奉俎詣  
神位前北向跪奠先薦牛次薦羊次薦豕及魚各執笏  
俛伏興有司設牛羊豕俎於腸胃膚之前牛在左羊在  
中豕在右  
魚俎於牲首之右諸次位奉奠並如上儀樂止俱降復  
位次奉肝腎宗室取蕭合稷黍桴於脂燎於爐炭各還

尊所當饌熟之時取菹於醢祭於豆間三又取黍稷肺  
祭如初皆藉用茅各還尊所次引奉幣官受幣官進幣  
官受爵酒官進爵酒官陞詣僖祖位奉幣官進幣官受  
爵酒官進爵酒官在東西向立北上受幣官在西東向  
立次引奉爵酒官詣爵洗西東向立禮儀使前導皇帝  
詣盥洗位登歌樂作降自阼階樂止宮架樂作至洗位  
北向立樂止內侍酌水以進禮儀使奏請搢大圭盥手  
內侍跪取巾於篚興以進皇帝悅手內侍受巾跪奠於



篚禮儀使奏請執大圭前導皇帝詣爵洗位宮架樂作  
至洗位北向立樂止次奉爵洗官跪取爵於篚興以進  
禮儀使奏請進大圭受爵內侍酌水以進禮儀使奏請  
洗爵內侍跪奠於篚興以進皇帝拭爵內侍受巾跪奠  
於篚奉爵酒官受爵升自東階禮儀使奏請執大圭前  
導皇帝升殿宮架樂作至阼階下樂止升自阼階登歌  
樂作殿中監跪進鎮圭禮儀使奏請搢大圭執鎮圭前  
導皇帝詣僖祖位樂止宮架作基命之樂

順祖位大寧  
之樂翼祖位

大順之樂宣祖位  
天元之樂太祖位  
皇武之樂太宗位  
大定之樂真宗位  
熙文之樂仁宗位  
美成之樂神宗位  
大明之樂誓宗位  
重光之樂惠恭皇后位  
慈安之樂  
文舞作奉爵酒官奉爵詣僖

祖位酌尊所南向立執尊者舉冪良醞令酌犧尊之泛

齊訖先詣順祖位酌尊所北向立禮儀使前導皇帝詣

僖祖神位前西向立

若詣南向神位前則北向立  
若詣北向神位前則南向立

內侍

先設纁藉於地禮儀使奏請跪奠鎮圭於纁藉執大圭

俛伏興又奏請搢大圭跪次內侍跪取幣於篚以幣授

奉幣官授進幣官進幣官南向立跪以進禮儀使奏請

受幣皇帝受奠訖受幣官北向跪受以興

若南向神位則東向跪受

若北向神位則南向跪受

進奠於僖祖神位前次奉爵酒官以爵授

受爵酒官受爵酒官以授進爵酒官進爵酒官南向跪

以進

若南向神位則西向跪進若北向神位則東向跪進

禮儀使奏請執爵祭酒

三祭於茅苴

奠爵執大圭俛伏興次奉幣官進幣官受幣官

奉爵酒官受爵酒官進爵酒官俱詣次位以俟禮儀使

前導皇帝少退西向又奏請少立樂止內侍取鎮圭纁

藉詣次位先設纁藉於地次舉冊官舉祝冊進於僖祖

座右讀冊官搢笏跪讀冊文讀訖執笏興先詣次位神座之右禮儀使奏請再拜皇帝再拜有司入奠冊於神位之右興還尊所禮儀使前導皇帝詣次位奠幣酌獻並如上儀次奉幣官進幣官受爵酒官進爵酒官俱降復位內侍舉鎮圭纁藉以鎮圭授殿中監以還有司讀冊官以下俱降復位禮儀使前導皇帝還版位登歌樂作至位西向立樂止禮儀使奏請還小次禮儀使奏請釋大圭殿中監跪受大圭皇帝入小次簾降樂止文舞

退武舞進宮架正安之樂作舞者立定樂止初皇帝將詣小次禮直官太常博士引亞獻詣盥洗位北向立搢笏跪執事者以爵授亞獻亞獻執爵祭酒三祭於笏盥手悅手執笏詣爵洗位北向立搢笏洗爵拭爵以授執事者執笏盥詣僖祖位酌尊所西向立宮架作正安之樂武功之舞執事者以爵授亞獻亞獻進笏執爵執尊者舉冪太官令酌象尊之醴齊訖先詣順祖位酌尊所西向立亞獻以爵授執事者執笏入詣僖祖神位前搢笏跪執事者以爵授亞獻亞獻執爵祭酒三祭於

茅苴奠爵執笏俛伏興少退再拜次詣每位酌獻並如  
上儀樂止降復位和亞獻行禮將畢次禮直官太常博  
士引終獻詣洗及升殿酌獻並如亞獻之儀降復位  
初終獻既升次引七祝及配享功臣獻官詣盥洗位搯  
笏盥手悅手執笏進詣神位前搯笏跪執爵三祭酒奠  
爵執笏俛伏興再拜詣次位並如上儀退復位唯七祀  
先詣司  
命位奠爵訖興少立次引太祝進詣神位  
前北向跪讀祝文讀訖退復位獻官再拜初皇帝既晨  
裸光祿以牛左臂一骨及長脅短脅俱二骨以並載於

昨俎升設於僖祖室戶外候終獻既升次引進俎官進  
搏黍官太官令詣飲福位次向立奉俎豆爵官者各位  
於其後禮儀使奏請詣飲福位簾卷出次宮架樂作殿  
中監跪進大圭禮儀使奏請執大圭前導皇帝至降階  
下樂止升自阼階登歌樂作將至飲福位樂止登歌僖  
安之樂作皇帝詣飲福位西向立尚醴典御執尊詣酌  
尊所良醞令酌上尊飲福酒合盞一尊典御奉尊詣飲  
福位以授殿中少監尚醴奉御執爵殿中少監酌之奉

御以爵酒授殿中監奉爵北向捧以立禮儀使奏請皇

帝再拜皇帝再拜殿中監跪以爵酒進禮儀使奏請執

大圭跪受爵祭酒

三祭於地

啐酒奠爵殿中監跪受爵興請

太祝帥執事者持胙俎進減神位前正脊二骨橫脊二

骨加於俎上內侍受俎以授進俎官進俎官南向跪以

進皇帝受俎奠之進俎官受俎以興降復位太官令取

黍二簋搏以授搏黍官進搏黍官受以豆北向跪以進

皇帝受訖奠之進搏黍官受豆以興降復位次殿中監



再跪以爵酒進禮儀使奏請受爵飲福奠爵殿中監收  
虛爵興以授興降奉執事者俱降復位禮儀使奏請執  
大圭俛伏興又奏請再拜皇帝再拜樂止禮儀使前導  
皇帝還版位登歌樂作至版位西向立樂止次禮直官  
太常博士引皇子詣受爵位西向立太祝詣每位鉶南  
舉竿合置一竿內侍受爵皇子再拜內侍奉竿以授皇子  
皇子跪搯笏受竿而飲訖奠竿興再拜以降次徹籩豆  
官升殿徹籩豆徹牛俎官升殿徹俎

籩豆俎各一  
俱少移故處 登歌

豐安之樂作卒徹樂止徹籩豆官徹牛俎官降復位禮  
直官曰賜胙行事助祭官拜贊者承傳曰賜胙再拜在  
位官皆再拜送神宮架興安之樂作一成止祠祭官於

殿上贊納神主次引薦香燈官搢笏奉帝主入柝室訖

薦香燈官先捧匱置於神座  
約神主於匱訖捧匱入柝室執笏退復位次引宮闈令

奉后主如上儀退復位

若別廟神主還本廟則俟祠祭官贊納神主次引內常侍以下先入

詣殿庭北向候納神主訖次引內常侍升殿詣惠恭皇  
后神主前奏請惠恭皇后神主降殿乘輿赴本廟奏訖  
宮闈令捧神主降自泰階內常侍前導置於與內常侍  
以下分左右前導腰輿出太廟南門西偏門主廟門外

所司轉儀仗還別廟如還太廟之儀腰與本廟殿下北向內常侍啟腰與前奏請惠恭皇后神主降與陞殿奏訖復位本廟宮闈令捧接神主入祔室並如太廟之儀闔戶以降內常侍以下北向西上立贊者曰拜內常侍以下再拜皆退禮儀使奏禮畢前導皇帝降阼階登歌樂作降

自阼階樂止宮架樂作出門樂止禮儀使奏請釋大主殿中監跪受大主皇帝還大次禮部郎中奏請解嚴皇帝常服乘輿還齋殿宮闈令以黍稷肺祭藉用白茅束而埋之於西階東有司各取幣置於坎大禮使以下就望座位禮直官曰可瘞賓土半坎本廟宮闈令監視

次引大禮使以下詣東門外揖位立禮直官贊禮畢揖  
訖退文武助祭官及宗室以次出引七祀獻官詣齋宮  
內七祀望燎位南向立有司置祝版於燎柴焚訖退太  
官令帥其屬徹禮饌次監察御史詣殿監視收徹訖退  
宮闈令闔戶以降乃退太常藏祝版於匱

政和五禮新儀卷九十九

欽定四庫全書

政和五禮新儀卷一百

吉禮

皇帝祫享太廟儀四

車駕還內

前期殿中監帥其屬尚舍設御幄於大慶殿門外之東南向大晟設宮架於宣德門外稍南其日禮畢所司轉仗衛鹵簿於還途如來儀文武百官宗室客使先詣

宣德門外就次以俟立班奉迎乘黃令進金輅於御幄  
前南向千牛將軍一員執長刀立於輅前尚輦奉御進  
輿於齋殿導駕官俱詣齋殿門外奉迎禮部侍郎奏請  
中嚴少頃又奏外辦簾卷皇帝服通天冠絳紗袍乘輿  
以出應導駕官等並迎駕奏聖躬萬福訖

內祇應官贊  
謝皆再拜

步導出殿門外太僕卿出詣金輅所攝衣而陞正立執  
轡皇帝乘輿降自西階至金輅所左輔奏請皇帝降輿  
升輅

有司仍具大輦若乘輦即云降輿乘輦

太僕卿立授綏千牛將軍馭

駕如來儀門下侍郎奏請車駕進發車駕動稱警蹕侍衛如儀至侍臣上馬所門下侍郎奏請車駕少駐勅侍臣上馬左輔前承旨退稱曰制可門下侍郎傳制稱侍臣上馬贊者承傳勅侍臣上馬門下侍郎奏請車駕進發車駕動稱警蹕鼓吹及諸軍樂振作車駕將至宣德門外文武百官宗室客使立班再拜奉迎大內留守見再拜訖退車駕至宣德門外少駐文武侍臣皆下馬步導千牛將軍降立於輅右車駕動千牛將軍夾輅而趨

大樂正令奏采芡之樂入門樂止車駕至御幄前左輔奏請皇帝降輅乘輿

若乘輦即奏云降輦乘輿

皇帝降輅乘輿以入

禮部郎中奏解嚴通事舍人承旨勅羣官各還次將士各還其所

紫宸殿受賀

前期殿中監帥其屬尚舍設御座於紫宸殿當中南向又於殿後設御閣如儀儀鸞司設文武百僚次於殿門之外隨地之宜其日禮畢車駕還內管軍臣僚東上閣



門官引駕詣紫宸殿後閣文武百僚並常服入就次少頃東上閣門御史臺分引詣殿下立班東上閣門附內侍進班齊牌皇帝常服出升御座鳴鞭禁衛奏聖躬萬福次舍人揖管軍官臣僚等並行門躬贊再拜管軍臣僚以下皆再拜班首奏聖躬萬福舍人引班首出班俛伏跪致詞訖俛伏興退復位舍人揖躬贊再拜管軍臣僚以下皆再拜三稱萬歲內侍詣御座前承旨退降階西向宣荅訖舍人贊再拜管軍臣僚以下皆再拜三稱

萬歲舍人贊各祇候管軍臣僚詣殿下侍立行門外左右立次太史局官再拜奏聖躬萬福出班躬身奏祥瑞氣退復位舍人揖躬贊再拜太史局官再拜贊祇候太史局官東出次舍人揖樞密以下躬舍人當殿通某官姓名以下起居稱賀轉身於班前西向立舍人贊再拜樞密以下皆再拜搢笏舞蹈三稱萬歲又再拜班首不離位奏聖躬萬福又再拜舍人引班首出班俛伏跪致詞訖俛伏興退復位舍人揖躬贊再拜樞密以下皆再

拜搢笏舞蹈三稱萬歲又再拜東上閣門官當殿北向

承旨退西向稱有制樞密院以下再拜宣荅訖復位舍

人贊再拜樞密以下皆再拜搢笏舞蹈三稱萬歲又再

拜樞密直學士升殿侍

並升西階

知客省事以下殿廷東侍

立分班出舍人禮直官揖宰臣以下躬舍人當殿

通文武百官宰臣姓名以下起居稱賀

三公通某官

舍人揖

班首以下橫行北向

學士待制兩省官將軍仍舊相向立

稱賀如上儀

唯典

儀贊拜樞密詣御座前  
丞檻東稱有制宣荅

賀訖宰臣執政官升殿東西相

向立

宰臣執政官陞東階  
中書侍郎升西階

樞密直學士下殿餘官以次

退皇帝降坐鳴鞭殿上侍立官以次退

### 宣德門肆赦

前期殿中監帥其屬尚舍張設宣德門之內外又設御座於前楹當中南向又設御幄於後東上閣門設捧赦書儀物於御座之東稍南儀鸞司設文武百僚次於樓前隨地之宜八作司設雞竿於御街之東稍北大晟府設鈺鼓一於宮架之西稍北東向其日刑部大理寺開

封府以囚徒集於仗後東上閣門御史臺太常寺設文武百官位於樓下皇帝御紫宸殿受賀畢少頃乘輦升宣德門至御閣東降輦歸御閣簾降內侍進呈赦書東上閣門官於樓下

二員於樓上祇應

禮直官通事舍人分司三

公親王以下詣樓前分班立定左輔樞密升詣御座之

東翰林學士承旨一人升詣御座之西俱南向立

翰林學士

承旨閣即翰林學士

次引禮部侍郎奏請中嚴少頃又奏外辦降

復本班簾卷大樂正令撞黃鐘之鐘右五鐘皆應乾安

之樂作內侍索扇扇合皇帝出御閣臨軒即御座樓下  
鳴鼓簾卷內侍贊扇開樂止侍御如常儀禮直官通事

舍人分引三公親王以下橫行北向立定

學士待制兩省官將軍仍

舊相向立

典儀曰再拜在位官皆再拜分班東西相向樓下

舍人詣樓前北向立左輔詣御座前承旨退稍前西向

宣曰奉勅立金雞退復位樓下舍人應喏趨詣文武班

南北向揖訖東向宣曰奉勅立金雞宣付所司退復位

金雞初立大晟府擊鼓每擊鼓投一杖因集鼓聲止初

宣立金雞即擊鼓立金雞訖即止更不投杖樓上降赦  
書閣門受以置於案承受二人舉案於東偏門之西南  
舍人二員對捧東上閣門官揖引至班心北向揖稱宣  
付門下省退詣案西東向立引門下侍郎詣案南北向  
搢笏跪閣門捧赦書以授門下侍郎門下侍郎受訖執  
笏俛伏興舍人捧案退置於樓下近北訖歸本班東  
上閣門官還侍立位次引門下侍郎捧赦書詣班前北  
向俛伏跪奏制書請付外施行

制書權付  
禮直官

奏訖俛伏興

躬身北向次引左輔御座前承旨退西向宣曰制可退  
復位門下侍郎稱宣付班首稍西東向立次引班首相  
向各俛伏跪門下侍郎搢笏捧制書以授班首班首受  
訖執笏俛伏興捧歸位以付舍人舍人跪受付提點承  
受啟付訖復授舍人舍人捧制書折方行至班心近南  
西向又折方北向立東上閣門官一員並捧制書舍人  
於左省班後請宣制立

起居郎舍人一員

舍人宣曰有制典儀

曰再拜在位官皆再拜舍人宣制至咸赦除之獄吏詣



班南北向躬稱脫枷訖奏聖躬萬福三稱萬歲以罪人

過宣制訖樓上舍人贊樞密院官左輔翰林學士承旨

曲賀再拜

樓上閤門官不拜

東上閤門官歸侍立位舍人捧制

書詣班首前東向立搢笏跪以制書授班首班首授訖

舍人執笏退復侍立位禮直官次引刑部尚書詣班首

前東向搢笏跪班首搢笏以制書授刑部尚書刑部尚

書受訖執笏以制書加於笏上以授所司歸本班禮直

官通事舍人引三公親王以下及應橫行官就北向位

立定典儀曰再拜在位官皆再拜禮直官通事舍人引班首稍前俛伏跪致祠訖俛伏興典儀曰再拜在位官皆再拜搢笏舞蹈三稱萬歲又再拜東上閣門官詣樓前承旨退於班首前西向稱有制典儀曰再拜在位者皆再拜東上閣門官宣荅訖歸侍立位典儀曰再拜在位官皆再拜舞蹈三稱萬歲又再拜禮直官通事舍人引三公親王以下分東西班叙位禮直官引左輔詣御座前奏禮畢退復位內侍索扇扇合大樂正令撞鞀賓之

鐘左五鐘皆應乾安之樂作簾降皇帝降座還御幄樂  
止樓上鳴鞭舍人詣樓前北向承旨四色官喏舍人北  
向稱奉勅放仗四色官趨至班南宣曰奉勅放仗百僚  
再拜退宣詞令舍人樓下宣勞將士訖退

賜茶酒拽馬  
隊並如儀

政和五禮新儀卷一百

欽定四庫全書

政和五禮新儀卷一百一

吉禮

祫享太廟儀

有司  
行事

時日

齋戒

陳設

省牲器

別廟神主過太廟

晨裸

饋食

時日

太廟三年一祫以孟冬之月其年太常寺預以隔季以孟冬時享前擇日祫享太廟闕太史局太史局擇日報太常寺參酌訖具時日散告

齋戒

前享十日受誓戒於尚書省其日五鼓贊者設位版於公相廳下初獻官在左刑部尚書在右並南向亞獻終獻禮官位於其南稍東北向西上監察御史位於西稍北東向戶部兵部工部尚書大司樂光祿丞位於其南稍西北向東上

凡設大樂令光祿丞位皆稍却

奉禮協律郎太祝太官

令內常侍內給事內謁者監內僕丞宮闈令夾侍內臣舁神主內臣位於其東西向北上捧俎齋郎位其後贊明贊者引行事執事官就位立定禮直官引初獻降階

就位禮直官贊揖在位者對揖初獻搢笏讀誓文云某月某日孟冬祫享太廟各揚其職不共其事國有常刑讀訖執笏禮直官贊奉禮協律郎太祝太官令內常侍以下先退餘官對拜乃退散齋七日治事如故宿於正寢不弔喪問疾作樂判書刑殺文書決罰罪人及與穢

惡致齋三日

光祿卿丞太官令齋一日

二日於本司

親王於本府朝善廳宗室於睦

親廣親宅都廳相妨即於學舍餘官無本司並於太廟齋宮別廟行事官內常侍以下即於別廟齋宮質明至所唯享事得行其餘悉禁前享一日質明俱赴祠所齋



宮官給酒饌享官已齋而闕者通攝行事

陳設

前享三日儀鸞司設饌幔於東門外

每室係幔各一

設權奉安

別廟神主幄次於南神門外東向又設七祀次一於殿

下橫街之北道西東向配享功臣次於橫街之南道之

東西相向

每室配享功臣各為一次

前二日光祿牽牲詣祠所前一

日宮闈令帥其屬掃除廟之内外太常設堂上位自西

序以東每位並設幄帳鋪筵設几於筵上太常設祭器

凡設祭器皆藉以席籩豆及加巾蓋以俟告潔既畢設揖位於齋宮內三

獻官禮官在道南北向西上戶部兵部工部尚書大司

樂光祿卿大樂令光祿丞奉禮協律郎太祝太官令內

常侍內給事內謁者監內僕丞宮闈令夾侍內臣昇神

主內臣在道北南向西上

凡設大樂令以下位皆藉却若享日即不設光祿卿丞常

侍以下位監察御史於戶部尚書之西少絕光祿丞陳牲於

東神門外當門西向祝史各位於牲後太常設省牲位

於牲西三獻官禮官在道南北向戶部兵部工部尚書

大司樂光祿卿大樂令光祿丞奉禮協律郎太祝太官  
令內常侍內給事內謁者監內僕丞宮闈令夾侍內臣  
舁神主內臣在道北南向俱西上捧俎齋郎在後監察  
御史於戶部尚書之西少絕光祿陳牲饌於東神門外  
道北南向太常設省饌位版於禮饌之南三獻官禮官  
在南北向西上監察御史在西東向戶部兵部工部尚  
書大司樂光祿卿大樂令光祿丞奉禮協律郎太祝太  
官令內常侍內給事內謁者監內僕丞宮闈令夾侍內侍

臣舁神主內臣在東西向北上捧俎齋郎在其後大晟  
設登歌之樂於殿上前楹間稍南北向設宮架於庭中  
立舞表於櫛綴之間享日丑前五刻禮直官贊者諸司  
職掌各服其服宮闈令入殿開室帥其屬掃除太常陳  
幣篚各於神位之左幣以白祝版各於神位之右置於玷  
次設祭器光祿實之每位左十有二籩為四行以右為

上第一行魚鱗在前糗餌粉飡次之第二行乾蔬在前  
乾棗形鹽次之第三行鹿脯在前榛實乾桃次之第

四行菱在前  
芡棗次之

右十有二豆為四行以左為上

第一行芹  
蒹在前筍

道葵菹次之第二行菁菹在前韭菹配食次之第三行魚醢在前兔醢豚拍次之第四行鹿鷄在前醢醢摻食

次加豆二在豆前

左實以雁右實以稻

俎三二在籩前為二重第一

重實以牛腥七體兩髀兩肩兩脅脊兩髀在兩端兩肩兩脅次之脊在中第二重實以羊腥七體其載如牛

一在豆前

實以豕腥七體其載如羊

又俎九在豆右為三重

第一重實以牛

羊豕首各一第二重一實以牛腥腸胃肺離肺一在上端剖肺三次之腸三胃三又次之一實以羊腥腸胃肺

其載如牛一實以豕腥膚九橫載第三重一實以牛熟腸胃肺一實以羊熟腸胃肺一實以豕熟膚其載如腥

皆牛在左羊在中豕在右

登一在籩豆間

實以大美

銅三在登前

實以美加芼滑

簋二簋二在籩豆外簋在左簋在右

簋實以稻梁梁在稻前簋實以黍稷

稷在

登一在籩之左

實以肝特

槃一在神位之左

實以毛血

爐炭

在神位前置蕭蒿於爐上設太尊五山尊五為二重太

尊在前皆有站在神位之左

太尊一實明水為上尊餘實以泛齊代以供內法酒

初獻酌之山尊一實明水為上尊餘實以醴齊代以祠祭法酒亞終獻酌之

虎彝一在太尊

之右

實以爵也

雉彝一在山尊之右

實以明水

皆有舟俱加勺冪

為酌尊又設太尊二山尊二在神位前

太尊一實泛齊山尊一實醴齊

各以一尊實明水

著尊二犧尊二象尊二壺尊六在下

著尊一實盞齊

犧尊一實醴齊象尊一實沉齊各以一尊實明水壺尊三實玄酒三實三酒明水玄酒皆在上

皆加冪

五齊三酒設而不酌太常設七祀位於殿下橫街之北

次內又設配享功臣位於橫街之南次內

韓王趙普周王曹彬位於於

橫街之南道西東向太師薛居正太師石熙載鄭王潘美位在其西太師李沆太師王旦太師李繼隆位又在其西又設太師王曾太師呂夷簡侍中曹瑋位於橫街之南道東西向司徒韓琦太師曾公亮位在其東次舒王王安石位次太師蔡

皆設神位太廟設神位版太常設

祭器光祿實之每位左二籩

栗在前虎脯次之

右二豆

菁菹在前鹿鶩

在後俎一在神位前

實以羊豕腥肉

爵一次之

實以祠祭法酒

簋一簋一

在爵之前簋在左簋在右

簋實以稷薦實以黍

象尊一在籩前加

勺冪

實以祠祭法酒

神位前又設俎三於東神門外每室饌幔

內洗二於東階下直東雷北向

饌設在東爵設在西

壘在洗東加

勺篚在洗西南肆實以巾

若爵洗之篚即又實以瓚及爵加拈

設禮官盥

洗於從祀神位之前執壘篚者位於其後

七祀及配享功臣各一洗

又設揖位於東神門外如省牲位

唯不設光祿卿丞捧俎齊郎內常侍以下

位開瘞坎於殿內階之東方深取足容物南出陞設望

瘞位於其南如省饌位

唯不設光祿卿齊郎內常侍以下位

設七祀燎柴

於齋宮內設三獻官禮官席位於殿下東階之東南西



向南上戶部兵部工部尚書於其南西向北上監察御史大司樂大樂令席位於殿庭之南北向奉禮協律郎太祝太官令位其後俱西上光祿卿席位於監察御史之東北向又設監察御史位於殿上前楹西東向奉禮郎太祝在東西向北上大樂令於樂簾之北北向太官令於酌尊所協律郎位二一於殿上前楹間稍西一於宮祭西北向

省牲器

前享一日行事執事官集初獻齋所肄儀太祝習讀祝文及視幣訖次禮直官贊者分引行事執事官就齋宮內揖位

凡初獻行事禮直官引餘官皆贊者引

立定禮直官贊揖訖分引

詣東神門外省牲位立定禮直官贊揖訖次引大司樂

入行樂架次引監察御史入升自西階

凡行事執事官升降皆自西階

視滌濯執事者舉冪曰潔降復位禮直官稍前曰告潔

畢請省牲太祝出班廵牲一匝詣初獻前西向躬曰充

退復位光祿丞出班廵牲一匝詣初獻前西向躬曰膾

退復位禮直官贊省牲畢請詣省饌位揖訖引行事執  
事官各就位立定禮直官贊揖所司省饌具畢禮直官  
贊省饌畢揖訖俱還齋所光祿丞太祝以次牽牲詣厨  
授太官令次引監察御史詣厨省鼎鑊視祭器滌濯訖  
協律郎展視祭器乃還齋所未後一刻太官令帥宰人  
以鸞刀割牲祝史以槃取毛血各置於饌所遂烹牲脯  
後宮聞令帥其屬掃除廟之内外訖還齋所

別廟神主過太廟

前享一日所司陳儀仗於別廟門之外

清道二人分左右中道執黑漆

仗服武弁羅衫草帶次幡竿一箭數全執人並服平巾  
幘緋衫勒帛次扇二分左右服緋畫衫次曲蓋一次方  
纓一服黃畫衫次導蓋一服黃衫並抹額勒帛次部轄  
員僚二人分左右服黑平巾幘儀刀紫文袍勒帛次排  
列職掌四人分左右重行服紫羅寬衫次團扇十四為  
七重次方扇四次曲蓋四重行次方纓二次花蓋二已  
上並分左右服武弁冠緋衫白袴錦腰蛇次排列執掌  
二分左右服緋衣又於團扇方扇內設行障一在前次  
行障二次坐障二並分左右次坐障一在後晉輿一在  
行障坐障內已上服同執花蓋部轄節級一名在排列  
執掌內服同執花蓋又加金銅帶次左右街司衙官  
十二人分左右為六重外仗分左右廂青衣二人為二  
重執竿並袋服黑平巾幘青衫袴勒帛次車轎排四重  
行服黑平巾幘緋衣袴勒帛水鸞頭竿六信幡六為六

重皆竿一在前幡一次之服同執扇次戟二十為十重服同執曲蓋次刀盾二十各盾左刀右為十重服皂衫帽勒帛次稍十為五重服青衫抹額勒帛次弓箭十四每弓一箭二箭數全為七重服銀褐衫抹額勒帛次儀刀十為五重服平巾幘銀褐衫勒帛

享日丑前五刻所

次儀鎧斧四為二重服同執曲蓋

司陳方扇團扇行障坐障於別廟南神門外設腰輿於

殿階之下南向少頃禮直官贊者分引內常侍以下於

殿庭北向西上重行立

別廟內常侍行事執事禮直官皆贊者引

贊者曰再

拜內常侍以下皆再拜本廟宮闈令升殿開室奏惠恭

皇后神主祫享於太廟降殿乘輿奏訖俛伏興

凡內常侍奏請准此

又宮闈令捧接神主內常侍前置於輿內常侍以下分  
左右前導詣太廟南神門外幄次東向權奉安儀仗於  
太廟門外止方扇圍扇行障坐障至太廟南神門外止  
內常侍以下俟導引詣殿上神幄如別儀

晨裸

享日丑前五刻

行事用丑  
時七刻

祠祭官引宮闈令入詣殿庭

北向立祠祭官曰再拜宮闈令再拜升殿開室整拂神  
幄帥其屬掃除退就執事位次引薦香燈官入詣殿庭

北向

凡宮闈令薦者燈官行事皆祠祭官引

祠祭官曰再拜薦香燈官再

拜升殿各就執事位次樂正帥工人二舞入就位

登歌工人

俟監察御史點閱訖升西階各就位

次太官令帥其屬實饌具畢次引

光祿卿入詣殿庭席位北向立贊者曰再拜光祿卿再

拜升殿點視禮饌畢次引監察御史陞殿點閱陳設糾

察不如儀者

凡點視點閱皆先詣僖祖位以至次位

光祿卿還齋所餘官

各服其服次引行事執事官詣齋宮內揖位立定禮直官贊揖引詣東神門外揖立定禮直官贊揖次引大司

樂大樂令協律郎次引監察御史奉禮郎太祝太官令  
入就殿下席位北向立次引初獻戶部兵部工部尚書  
亞終獻禮直官入就殿下席位西向立祠祭官於殿上  
贊奉神主次引薦香燈官入室搢笏於柝室內奉帝主出  
詣殿上神幄設於座奉神主詣神幄內於几後啟  
匱設於座以白羅巾覆之執笏  
退復執事位次引宮闈令奉后主如上儀以青羅  
巾覆之退  
復執事位於殿上贊奉神主內常侍以下於太廟南門  
外神幄承別廟神主腰輿入南神西偏門至殿下南向



內常侍以下北向立贊者曰再拜內常侍以下再拜候  
殿上奉神主訖內常侍稍前奏惠恭皇后神主祫享於  
太廟奏訖退詣惠恭皇后神主前奏請降輿升殿奏訖  
宮闈令捧神主升自泰階至殿上本廟宮闈令捧接祔  
於宣仁聖烈皇后神主之左設於座

奉神主設於座如上儀

內常

侍以下退詣東神門內道南以俟祠祭官於殿上贊奉  
神主訖禮直官稍前贊有司謹具請行事贊者曰再拜  
在位者皆再拜次引監察御史大司樂大樂令奉禮協

律郎太祝太官令各就位立定

太官令就僖祖位尊彝所

次引初獻

詣盥洗位北向立搢笏盥手悅手執笏詣爵洗位北向

立搢笏洗瓚拭瓚以授執事者執笏陞殿詣僖祖位尊

彝所東向立

若南北向神位尊彝所即東西向立酌獻准此

執事者以瓚授初

獻初獻搢笏執瓚執彝者舉冪太官令酌鬱鬯訖先詣

順祖位尊彝所北向立

若北為神位尊彝所即南向立酌獻准此

初獻以瓚

授執事者執笏詣僖祖神位前西向

若南向神位即北向立若北向神位

即南向立酌獻准此

搢笏跪次引奉禮郎搢笏南向跪執事者以

瓚授奉禮郎奉禮郎奉瓚授初獻初獻執瓚以鬯裸地

奠訖以瓚授執事者次執事者以幣授奉禮郎奉禮郎

奉幣授初獻訖執笏興先詣順祖神位前西向立

若北向神

位即東向立

初獻受幣奠訖執笏俛伏興少退再拜次詣順

祖位次詣翼祖位次詣宣祖位次詣太祖位次詣太宗

位次詣真宗位次詣仁宗位次詣英宗位

不詣惠恭皇后位

次

詣神宗位次詣哲宗位裸鬯奠幣並如上儀俱復位協

律郎跪俛伏興舉麾工鼓祝宮架作興安之樂孝熙昭

德之舞九成偃麾憂敵樂止

凡樂皆協律郎跪俛伏舉麾興工鼓祝而後作偃麾

憂敵而後止

既晨裸薦香燈官入取毛血奠於神位前太官

令取肝以鸞刀割之洗於鬯貫之以骨燎於爐炭薦香燈官以肝骨詔於神位又以墮祭三祭於茅苴退復位

### 饋食

享日有司設鼎三十有六於神厨各在鑊石光祿帥進

饌者詣厨以七升牛於鑊實於一鼎

肩臂膈肱脰正脊一直脊一橫脊一

長脊一短脊一代脊一皆二骨以並

次升羊豕如牛各實於一鼎

每位牛羊豕各

一皆設局霽祝史對舉入設於饌幔內候初獻升裸入

陳於西階下北向北上祝史抽局委於鼎右除霽初鼎

序入有司執七齋郎捧俎以從至西階下俎各設於鼎

北七加於鼎光祿以七升牛載於一俎

肩臂膈在上端  
肱脇在下端脊

胛在

中次升羊豕如牛各載於一俎

每位牛羊  
豕各一俎

鼎先退次

引戶部兵部工部尚書詣西階下搢笏奉俎

戶部奉牛  
兵部奉羊

工部

升殿宮架豐安之樂作詣僖祖神位前西向跪奠

若南向神位即北向跪奠  
北向神位即南向跪奠

先薦牛次薦羊次薦豕各執

笏俛伏興有司入設於豆右腸胃膚之前

牛在左羊在中豕在右

次詣每位奉俎並如上儀樂止俱降復位初奠俎訖次引薦香燈官取蕭合黍稷擣於脂燎於爐炭當饋熟之時薦香燈官取菹擣於醢祭於豆間三又取黍稷肺祭如初俱藉以茅退復位次初獻再詣盥洗位宮架正安之樂作

初獻升降行止皆作正安之樂

至位北向立搯笏盥手悅手執

笏詣爵洗位北向立搯笏洗爵拭爵以授執事者執笏

升殿樂止登歌樂作詣僖祖位酌尊所東向立樂止登

歌基命之樂

順祖位大寧之樂翼祖位大順之樂宣祖位天元之樂太祖位皇武之樂太宗位大

定之樂真宗位熙文之樂仁宗位美成之樂英宗位治隆之樂神宗位大明之樂哲宗位重光之樂惠恭皇后位慈安

執事者以爵授初獻初獻搢笏執爵執尊者舉罍

之樂

太官令酌太尊之泛齊訖先詣順祖位酌尊所北向立

初獻以爵授執事者執笏詣僖祖神位前西向立搢笏

跪執事者以爵授初獻初獻執爵祭酒三祭於茅苴奠

爵執笏俛伏少立樂止次引太祝詣神位前北向搢笏

跪讀祝文讀訖執笏興先詣順祖神位前東向立

若南向神

位即西向立

位即西向立 初獻再拜次詣每位行禮並如上儀太官令復位詣僖祖位酌尊所太祝復位初獻將降階登歌樂作降階樂止宮架樂作復位樂止次引亞獻詣盥洗位北向立搯笏盥手悅手執笏詣爵洗位北向立搯笏洗爵拭爵以授執事者執笏升殿詣僖祖位酌尊所東向立宮架作文安之樂孝熙昭德之舞執事者以爵授亞獻亞獻搯笏執爵執事者舉冪太官令酌山尊之醴齊訖先詣順祖位酌尊所北向立亞獻以爵授執事者執笏



詣僖祖神位前西向立搢笏跪執事者以爵授亞獻亞

獻執爵祭酒三祭於茅苴奠爵執笏俛伏興少退再拜

詣次位並如上儀退復位

唯七祀先詣司命位奠爵訖興少立次太祝北向跪讀祝

文讀訖退復位禮官再拜

次引太祝徹籩豆

籩豆各一少移故處

登歌恭安之

樂作卒徹樂止次引宮闈令束茅訖俱復位禮直官曰

賜胙贊者承傳曰賜胙再拜在位者皆再拜送神宮架

興安之樂作一成止祠祭官於殿上贊奉神主入祔室

次引薦香燈官搢笏奉帝主入祔室

薦香燈官先捧匱置於神座納神主

於匱訖捧入祔室

執笏退復位次引宮闈令奉后主入祔室並

如上儀退復位

若別廟神還本廟則俟祠祭官贊納神主次引內常侍以下先入詣殿庭北向

立俟納神主訖次引內常侍升殿詣英宗神幄內於惠恭皇后神主前奏請惠恭皇后神主降殿乘輿赴本廟

奏訖宮闈令捧神主降自泰階內常侍前導置於輿內

常侍以下分左右前導腰輿出太廟南神西偏門至廟

門外所司轉儀仗導別廟如過太廟之儀腰輿至本廟

殿下北向內常侍詣腰輿前奏請惠恭皇后神主降輿

升殿奏訖復位本廟宮闈令捧接神主入祔室並如太

廟之儀闔戶以降內常侍以下北向西上立贊者曰拜

內常侍以下再拜訖退

次引初獻戶部兵部工部尚書亞終獻禮官

就望座位有司詣神位前取幣束茅苴於坎次引監察

御史大司樂大樂令奉禮協律郎太祝就望瘞位立定  
禮直官曰可瘞寘土半坎本廟宮闈令監視次引初獻  
以下



政和五禮新儀卷一百一

欽定四庫全書

史部

政和五禮新儀卷一百二十三

詳校官編修臣曹錫齡

編修臣程嘉謨覆勘

總校官庶吉士臣何思鈞

校對官主簿臣汪日贊

謄錄監生臣張炳

欽定四庫全書

政和五禮新儀卷一百二

吉禮

皇帝時享太廟儀上

時日

齋戒

陳設

車駕自大慶殿詣太廟

省牲器

晨裸

饋食

車駕還內

時日

前期降御札以來年孟春時享太廟

夏享准此若秋享冬享時即云以今

年某月時享太廟

太常寺帖太史局擇日太史局擇日報太常

寺太常寺恭酌訖申奏具時日散告

若騰享即不帖太史局擇日但具時

日散  
告

齋戒

前享十日質明有司設行事及助祭文武百官位  
於朝堂太宰刑部尚書在北南向太宰在左刑部

尚書在右

刑部尚書稍却

行事大司樂光祿卿大樂令光

祿丞功臣獻官在南

如廟獻即設行事太宰左丞在南吏部戶部禮部兵部工部尚

書吏部禮部侍郎及司樂以下位在其南凡設大樂令以下位皆稍却

執事官又在其

南俱北向西上監察御史位二在西東向讀冊舉冊



官奉禮協律郎太祝郊社太官令在東西向俱北上

奉禮郎以下位皆稍却設助祭文武百官位於行事官之南又

設行事及助祭親王宗室位於太廟齋坊少宰刑

部侍郎在北南向少宰在左刑部侍郎在右刑部侍郎

稍却亞終獻在南北向西上親王及行事執事助祭

宗室在東西向北上東上閣門御史臺太常寺以下

分引羣官各就位

凡將引行事助祭文武百官立班即御史臺引殿中侍御史一員先

入就位太宰讀誓于朝堂刑部尚書涖之少宰讀誓於太

廟齋坊刑部侍郎涖之誓文曰今年某月某日孟春

夏

孟夏秋云孟秋冬云孟冬臘云季冬臘日

皇帝時享太廟

如廟獻即云前一

各揚其職其或不恭國有常刑讀訖

內朝堂執事官奉禮郎以下文官宣

德郎以下武官從義郎以下皆退

餘官並對拜訖退皇帝散齋七日於

別殿致齋三日

三日於大慶殿一日於太廟

凡散齋不弔喪問疾作

樂有司不奏刑殺文書致齋日前後殿不視事唯行享

事前致齋一日殿中監帥其尚舍鋪御座於大慶殿當中

南向設東西房於御座之左右稍北又設西閣及齋室

於殿後之左殿上前楹施簾致齋之日質明有司陳法  
駕鹵簿於宣德門外尚輦陳平輦於垂拱殿庭文武百  
官俱就次各服其服東上閣門奏請皇帝未後詣齋室  
通事舍人等自下分引知樞密院事以下詣垂拱殿庭  
立班東上閣門附內侍進班齊牌垂拱殿簾降皇帝乘  
輦出至殿上少駐輦官迎駕自贊常起居宣輦官上殿  
簾卷鳴鞭行門禁衛諸班親從迎駕自贊常起居次舍  
人先贊知內侍省官以下常起居次樞密以下通班常

起居贊祇候引駕樞密知客省事以下至簽書東上閣

門官分左右立六尚局應奉官祇應通侍大夫以下武

功大夫以下並先退次管軍臣僚宣名常起居贊祇引

駕並分左右前導輦降東階垂拱殿門外禁衛諸班親

從自贊常起居次行宮使御營巡檢一班常起居

如通侍大

夫以下知客省事以下武功大夫以下知內侍兩省帶御器械官充行宮使御營巡檢各歸本班至大

慶殿後閣降輦入西閣大慶簾降前導官並就次易朝

服詣御榻前分左右侍立

知樞密院事簽書樞密院事在東西向左輔一員在知樞密院

事之北贊拜東上閤門官一員又在其北並西向知客省事以下在簽書樞密院事之南稍東西向北上簽書客省事以下又

通事舍人等分引行事執事文武助祭

在其南稍却  
官各綰結佩入詣大慶殿庭立班次引禮部侍郎奏請中嚴侍臣詣幄奉迎內外符寶郎奉寶先出陳於御榻之左右少頃引禮部侍郎奏外辦皇帝服通天冠絳紗袍綰結佩出西閣乘輿稱警蹕侍衛如常儀由西房至御榻西降輿皇帝即御座南向侍臣夾侍贊拜東上閤門官於榻前贊樞密以下拜殿之上下應在位官皆再

拜

東上閣門官贊拜訖轉身北向隨拜畢西向贊各祇候

次禮直官引左輔詣御

座前俛伏跪奏左輔具官臣某言請皇帝降座乘輿由東房

奏訖俛伏興還侍位

凡左輔奏請准此

皇帝降座乘輿由東房

入齋室侍臣各還所司直衛者如常儀通事舍人分引

行事執事文武助祭官以次出

三省親王樞密宗室起居問聖體並如上儀

應行事執事助祭官及從升者並散齋七日宿於正寢

致齋三日各宿于其次

三省樞密院官各宿于本廳及都堂侍從官并尚書侍郎分宿

于秘書省中書後省餘官內庭有所司者各宿于其司諸方客使許赴陪位者各宿于其次

凡散齋

治事如故唯不弔喪問疾作樂判書刑殺文書決罰罪人及與穢惡致齋之日官給酒饌唯享事得行其餘悉禁與享之官已齋而闕者通攝行事

陳設

前享三日殿中監帥其屬尚舍設大次于太廟東門外道北南向小次于阼階東稍南西向儀鸞司設文武侍臣次于大次之前隨地之宜行事助祭官宗室及有司次于廟之内外設東方南方客使次于文官之後西方北

方客使次于武官之後設饌幔于廟南門之外東西相

向

每室設饌幔各一

又設七祀次一于殿下橫街之北道西東

向又設配享功臣次于殿下橫街之南道之東西相向

每室配享功臣各為一次

前享二日宮闈令帥其屬掃除廟之内外

開瘞坎于殿西階之東南方深取足容物南出陞太常  
設七祀燎柴于齋宮内光祿牽牲詣祠所大晟陳登歌  
之樂于殿前楹間稍南北向設宮架于庭中立舞表于  
鬱綴之間戶部陳諸州歲貢于宮架南龜為前列金次



之王帛又次之餘為後東西向前享一日奉禮郎禮直  
官設皇帝位版于阼階上飲福位于東序俱西向贊  
者設亞終獻位于小次南稍東助祭親王宗室使相  
在其南進幣爵酒官受爵酒官奉幣官薦牛俎官薦  
籩豆官薦牛俎豕魚俎官受幣壘奉爵官奉瓚槃官  
進搏黍官舉冊官七祀獻官在助祭宗室使相之南並  
西向北上大禮使位于西階之西稍南

與亞終獻  
班相對

行事

光祿卿讀冊官光祿丞功臣獻官在其西助祭宰相使

相位大禮使之南執政在其西又設監察御史位二于西階下俱東向北上奉禮郎太祝太官令于東階下俱西向北上協律郎二一于殿上前楹間一于宮架西北俱東向大樂令于登歌樂廡北大司樂于宮架北良醞令于酌尊所俱北向又設助祭文武羣官宗室于橫街之南諸方客使位于廟門之外隨其方國光祿陳牲于東神門外當門西向以南為上祝史各位於牲後太常設省牲位于牲西大禮使進幣爵酒官受爵酒官奉幣官

受幣官疊洗奉爵官奉瓚樂官位於道南北向西上七  
祀配享功臣獻官在後荐牛俎官荐籩豆官大司樂光  
祿卿進搏黍官讀冊舉冊官大樂令光祿丞奉禮協律  
郎太祝太官令宮闈令位道北南向北上

大樂令以下  
位皆稍却

監察御史在荐俎官之右異上位稍却光祿設禮饌于  
東神門外道北南向太常設省饌位版于禮饌之南大  
禮使進幣爵酒官受爵酒官奉幣官疊洗奉爵官奉瓚  
樂官位在南北向西上七祀配享功臣獻官在其後監

察御史位二在西南向荐牛俎官薦籩豆官大司樂光祿卿進搏黍官讀冊舉冊官大樂令光祿丞奉禮協律郎太祝太官令宮闈令位在東西向北上禮部帥其屬祝冊案于室戶外之右司尊彝帥其屬設幣篚于酌尊所次設籩豆簋簋之位于室戶外每室左十有二籩右十有二豆俱為四行加豆二于豆前俎四二在籩前二在豆前各為二重又設俎九在豆右為三重登一在籩豆間鉶三在登前簋一簋一在籩豆外四俎間簋在右簋

在右若夏享秋享則設鑑一在蓮之左

設爐炭于室戶外稍前設尊彝之

位每室犧尊五

秋冬臘享即設著尊

象尊五

秋冬臘享即設壺尊

為二重犧

尊在前皆有站在室戶外之左雞彝一

秋冬臘享即設尊彝

在犧

尊之右鳥彝一

秋冬臘享即設黃彝

在象尊之右皆有舟俱加勺

冪為酌尊又設太尊二山尊二在室著尊二在殿上象

尊二壺尊六在下俱北向西上加冪皆設而不酌太常

設七祀位于殿下橫街之北次內

司命戶灶中雷門厲行

又設配

享功臣位于橫街之南次內

設韓王趙普周王曹彬位于橫街之南道西東向太

師薛居正太師石熙載鄭王潘美位在其西太師李沆  
太師王旦太師李繼隆位又在西又設太師王曾太師  
呂夷簡侍中曹瑋位於橫街之南道東西向司徒韓琦  
太師曾公亮位在其東次舒王王安石位次太師蔡確  
又在其東  
俱北上 皆設神位席太廟設神位版于座首司尊彛

設祭器每位左二籩右二豆俎一在神位前爵一次之簋  
一簋一在爵之前簋在左簋在右象尊一在籩前加勺

幕又設俎四豆二籩一簋一槃一篚一于南神門

外每室饌幔內設御洗二于阼階下直東嚮北向

盥洗在東

爵洗在西壘在洗東加勺篚在洗西南肆實以巾

若爵洗之篚則又實

以瓚及爵加站

設皇帝位于洗南北向內侍酌水位于洗東執

巾位于酌水內侍之北俱西向奉瓚官爵洗西東向又

設亞終獻盥洗爵位于本位之南太官令盥洗于西階

下七祀配享功臣獻官盥洗于從享神位之前

七祀及配享功

臣位前盥洗各一

罍篚各設于左右執罍篚者位其後享日丑

前五刻宮闈令開室帥其屬掃除鋪筵在室內北墉下

几在筵上如常儀司尊彝入設祭器大府卿帥其屬入

陳幣于篚

幣以白

光祿卿帥其屬入實籩豆簋簋

籩豆簋以右為

上第一行魚鱗在前換餌次之第二行乾蘗在前乾棗  
形並次之第三行鹿脯在前榛實乾桃次之第四行菱  
在前茨稟次之豆四行以左為上第一行芹莖在前筍  
莖莖莖次之第二行菁莖在前韭莖配食次之加豆二  
春實以韭卵夏實以黍魚秋實以黍豚冬實以稻雁  
實以稻籃實以黍登實以大羹銅實以羹加芼滑若夏  
享秋享則遵左之

太官令帥其屬入實俎

遵前之俎為二重以北為

上第一重以牛腥七體兩髀兩肩兩脊并脊兩髀在兩端  
兩肩兩脅次之脊在中第二重實以羊腥七體其載如  
牛豆前之俎為二重以北為上第一重實豕腥七體其  
載如羊第二重實以魚腥十有五縮載豆右之俎九為  
三重以北為上第一重以牛羊豕牲首各一第二重一  
實以牛腥腸胃肺離肺一在上端剖肺三次之腸三胃  
三又次之一實以羊腥腸胃其載如牛一實以豕腥膚  
九橫載第三重一實以牛熟腸胃一實以羊熟腸胃一



欽定四庫全書

正和玉禮部第  
卷一百二

十

實以豕熟膚其載如腥皆  
牛在左羊在中豕在右

良醢令帥其屬入實尊彝酌

之齊鳥彛實以明水雞彛實以鬱鬯犧尊實以泛齊象尊實  
以醴齊太尊實以泛齊山尊實以醴齊著尊實以盎齊犧尊  
實以醴齊象尊實以沉齊各以一尊實明水又實七祀及  
壺尊三實三酒三實玄酒明水玄酒皆在上

配享功臣位禮饌

每位左二簋一在前鹿脯次之右二

脰南簋實以稷簋實以黍爵  
一象尊一實以祠祭法酒

太常設燭於神位前設大

禮使以及行事執事官揖位于東神門外如省牲之位

設望瘞位于瘞坎之南如省饌之位所司陳異寶嘉瑞

及伐國之寶于宮架之南東西相向

--	--	--	--	--	--	--	--	--

欽定四庫全書

政和五禮新儀  
卷一百二

十一

政和五禮新儀卷一百二

欽定四庫全書卷

政和五禮新儀卷一百三

吉禮

皇帝時享太廟儀中

車駕自大慶殿詣太廟

前享一日文武助祭官先詣太廟祠所其日導駕官以下就次各服其服尚輦奉御進輿于大慶殿乘黃令進玉輅于宣德門內南向設千牛將軍一員位于左輔之

前北向門下侍郎一員位于左輔之前贊者二人位又于其前少頃東上閣門御史臺太常寺分引左輔門下侍郎太僕卿乘黃令詣大慶殿西階下立班北向東上

乘黃令位其後

次引導駕官以下在其後分東西相向立以俟

奉迎前導次管軍臣僚次行宮使御營巡檢等又在其

後禮直官通事舍人引禮部侍郎奏請中嚴

凡左輔門下侍郎禮

部侍郎奏請皆禮直官通事舍人引

少頃奏外辦皇帝服通天冠絳紗袍

乘輿以出降自階稱警蹕如常儀宣贊舍人贊左輔以

下常起居次導駕官常起居

已起居者止  
奏聖躬萬福

次管軍臣僚次

行宮使御營巡檢等常起居

該宣名者  
即宣名

太僕卿出詣王

輅所攝衣而升正立執轡導駕官前導皇帝出大慶殿

門外至玉輅所千牛將軍前跪執轡左輔進當輿前俛

伏跪奏左輔具官臣某言請皇帝降輿升輅奏訖俛伏

興退復位

凡左輔奏  
請准此

乘黃令稍前東向進玉輅皇帝降

輿升輅太僕卿立授綏導駕官分左右步導門下侍郎

進當輅前俛伏跪奏門下侍郎具官臣某言請車駕進

發奏訖俛伏興退復位

凡門下侍郎奏請准此

車駕動稱警蹕左

輔先詣宣德門內以俟門下侍郎及贊者夾侍以出千  
牛將軍夾輅而趨車駕將及宣德門至侍臣上馬所門  
下侍郎奏請車駕少駐勅侍臣上馬左輔前承旨退稱  
曰制可門下侍郎傳制稱侍臣上馬贊者承傳勅侍臣  
上馬諸侍衛之官各督其屬左右翊駕在黃麾內符寶  
郎奉八寶前導殿中監復部從導駕官夾侍于前贊者  
在左輔門下侍郎之前侍臣上馬畢次大內留守于宣德

門外再拜奉辭門下侍郎奏請車駕進發車駕動稱警蹕不鳴鼓吹大駕鹵簿前導詣太廟車駕將至太廟東上閤門御史臺分引文武助祭官宗室客使禮直官贊者引行事執事官俱詣廟西門外立班再拜奉迎訖退已

起居者止奏  
聖躬萬福

車駕及門少駐文武侍臣皆下馬導駕官

步導入廟門西車駕動千牛將軍夾輅而趨迎廟南門迴輅南向千牛將軍立于輅右左輔奏請皇帝降輅皇帝降輅步入廟稍東左輔奏請皇帝乘輿尚輦奉御進



輿皇帝乘輿以入齋殿侍衛如常儀導駕官步導至殿  
門皇帝降輿歸殿後閣簾降通事舍人承旨勅羣臣各  
還次學士院以祝冊授通進司進御書訖付尚書禮部  
若朝獻即並如祫享大禮  
車駕自景靈宮詣太廟儀

### 省牲器

省牲之日未後二刻宮闈令帥其屬掃除廟之內外司

尊彝帥府史及執事者以祭器入設于位

凡祭器皆藉以席蓬豆又加巾

蓋太府卿入陳幣于篚

告潔畢

未後三刻禮直官贊者

權撤

分引大禮使以下詣東門外省牲位立定光祿卿丞執

事者牽牲就位禮直官贊者引大司樂入行樂架

凡亞終獻

行事皆禮直官太常博士引大禮使執事官及申祗滌濯官受爵酒官進爵酒官行事皆禮直官引餘官皆贊

者引次引祗滌濯官入升自西階

凡行事執事官升降皆自西階祗滌濯

次引申祗滌濯官申祗滌濯執事者皆舉冪曰潔俱復

位禮直官稍前曰告潔畢請省牲次引省牲官稍前省

牲訖退復位次引光祿卿出班巡牲一匝西向躬曰充

曰備次引光祿丞出班巡牲一匝西向躬曰臚俱復位

禮直官稍前曰省牲畢請就省饌位揖訖引大禮使以下各就位立定禮直官贊揖所司省饌畢具禮直官贊省饌畢揖訖俱還齋所光祿卿丞及執事者以次牽牲詣厨授大官今次引省鼎鑊官詣厨省鼎鑊視濯漑協律郎展視樂器乃還齋所成後一刻太官令帥宰人以鷹刀割牲祝史各取毛血實于槃又取腍臂實于登俱置饌所遂烹牲宮闈令帥其屬掃除廟之內外

晨裸

享日丑前五刻

行事春冬用丑時七刻夏秋用丑時一刻

諸享官及助祭之

官各服其服宮闈令開室帥其屬掃除太府卿入陳幣  
光祿卿入實籩豆簋簋太官令入實俎良醢令入實尊  
彛樂正帥工人二舞以次入與執事者尊罍篚簠者各  
就位次執事官各入就位次通事舍人分引文武助祭  
官及宗室客使贊者引薦羊俎官以下宗室各入就位  
禮直官贊者分引大禮使以下行事執事官詣廟東門  
外揖位立定禮直官贊揖次引監察御史次引大禮使

以下入就位次引監察御史按視殿之上下糾察不如儀者  
退復位尚輦奉御進輿于齋殿皇帝服通天冠絳紗  
袍乘輿以出近侍及扈從之官導從至大次門外皇  
帝降輿入次簾降禮儀使樞密院官太常卿東上  
閤門官太常博士禮直官分立于大次左右次引禮  
部侍郎詣前奏請中嚴少頃又奏外辦符寶郎奉寶  
陳于宮架之北禮儀使當次前俛伏跪奏禮儀使具  
官臣某言請皇帝行事奏訖俛伏興還侍位

禮儀使  
奏禮儀

畢准此

簾卷皇帝服袞冕以出侍衛如常儀禮儀使以下

前導至東神門外殿中監跪進大圭殿中少監副之

凡殿

中監進圭受圭皆少監副之

禮儀奏請執大圭前導皇帝入自正門

侍衛不應入者止

協律郎跪俛伏舉麾興

凡行事執事者取物奠物皆跪俛伏興

工鼓祝宮架乾安之樂作

皇帝升降行止皆奏乾安之樂

至阼階下偃

麾憂歆樂止

凡樂作皆協律郎跪俛伏舉麾興工鼓祝而後作偃麾憂歆而止

升自阼

階登歌樂作

左右侍衛之官量人數升

至版位西向立樂止禮儀使

以下分左右侍立

凡行禮皆禮儀使樞密院官太常卿東上閣門官太常博士禮直官

前導至位印分立于左右

祠祭官于殿上贊奉神主次引荐香燈官

入室播笏于祔室內奉帝主出詣殿上神幄設于坐

奉神

主詣神幄內于几後啟匱設于坐以白羅巾蓋之

執笏退復執事位次引宮闈

令奉后主如上儀

以青羅巾蓋之

退復執事位次祠祭官于殿上

贊奉神主訖禮儀使前奏有司謹具請行事又奏請再

拜皇帝再拜贊者曰再拜在位官皆再拜次引奉璫官

詣僖祖室神位前西向立奉璫槃官詣爵洗西東向立

禮儀使前導皇帝詣盥洗位登歌樂作降自阼階樂止

宮架樂作至洗位北向立樂止內侍酌水以進禮儀使  
奏請搢大圭盥手內侍跪取巾于篚興以進皇帝悅手  
內侍授巾跪奠于篚禮儀使奏請執大圭前導皇帝詣  
爵洗宮架樂作至洗位北向立樂止奉瓚槃官跪取瓚  
于篚興以進禮儀使奏請搢大圭受瓚內侍酌水以進  
禮儀使奏請洗瓚內侍跪取巾于篚興以進皇帝拭瓚  
內侍受巾跪奠于篚奉瓚槃官捧槃升自東階禮儀使  
奏請執大圭前導皇帝升殿大禮使從

皇帝升降  
大禮使從

宮架



樂作至阼階下樂止升自阼階登歌樂作禮儀使  
前導皇帝詣僖祖室樂止奉瓚槃官詣僖祖室尊  
彛所西向立以瓚涑鬯執彛者舉冪宗室酌鬱鬯  
訖先詣次室尊彛所北向立禮儀使前導皇帝入  
詣僖祖室神位前北向立禮儀使奏請搢大圭跪  
奉瓚槃官西向立以瓚授奉瓚官西向跪以進禮儀  
使奏請執圭瓚皇帝執瓚以鬯裸地奠之奉瓚官受  
瓚以授奉瓚槃官奉瓚槃官以槃受瓚訖俱詣次室

以俟禮儀使奏請執大圭俛伏興前導皇帝出戶外北向  
立禮儀使奏請再拜皇帝再拜禮儀使前導皇帝詣翼  
祖室次詣宣祖室次詣太祖室次詣太宗室次詣真宗  
室次詣仁宗室次詣英宗室次詣神宗室次詣哲宗室  
裸皂並如上儀奉瓚官奉瓚樂官酌鬱鬯宗室俱復位  
禮儀使前導皇帝還版位登歌樂作至位西向立樂止  
宮架作興安之樂文德之舞九成止執事宗室奉毛血  
槃及肝膋豆立于南門外奉爐炭蕭蒿稷黍者各立于

其後以次由正門入升殿其執事宗室各取于階下上入實于室奉毛血肝膋者各退立于尊所次執事宗室奉爐炭設于室戶外之左其蕭蒿稷黍各置于爐炭以次出太官令取肝以鷹刀割之洗於鬱鬯貫之以膋燎于爐炭荐香燈官以肝膋入詔神于室又出以墮祭于室戶之外左三祭于茅苴降詣盥洗位盥手升復執事位

政和五禮新儀卷一百三